

आकाशवाणी

खबरां पवन वर्मा कोला।

1 लोकसभा चुनांs दे 5में गेड़ दा मतदान सम्पन्न, संझा 5 बजे तोड़ी 57 प्रतिशत मतदान दर्ज।

2 बाकी रौहंदे द'ऊं मरहलें लेई प्रचार जोरें-शोरें जारी, इंदे तैहत 25 मई ते पैहली जून गी होग मतदान।

3 छत्तीसगढ़ च सड़क हादसा, 4 महिलाएं सने 15 जनै दी मौत, राष्ट्रपति, उपराश्ट्रपति ते प्रधानमंत्री होरें हादसे पर गैहरा दुख प्रगट कीता।

4 ईरान दे सब्बनै शा बड़ो नेता अयात उल्लाह अली खामनेई नमें उपराश्ट्रपति ते मोहम्मद मोखबेर कार्यवाहक राष्ट्रपति बनाए गे। भारत नै ईरानी राष्ट्रपति डॉ. सैय्यद इब्राहिम दइसी हुंदी मौत पर गैहरा दुख प्रगट कीता ऐ।

5 गुजरात ए.टी.एस नै अहमदाबाद दे सरकार वल्लभ भाई पटेल अंतरराश्ट्रीय ब्हाई अड़ो पर 4 आतंकवादी गिरफ्तार कीते।

<><><><><><>

Voting 5th Phase

लोकसभा चुनां दे 5में गेड़ तैहत अज्ज 6 राज्यें ते दऊं केंद्र शासित प्रदेशें च फैली दिएं कुल 49 लोकसभा सीटें लेई वोट पाए गे। संझा 5 बजे तोड़ी थ्होए दे आंकड़ें मुजब 57 प्रतिशत कोला मते लोकें मतदान करी दिते दा हा। हासल

मुट्टी-मुट्टी जानकारी मुजब लद्दाख च 67 प्रतिशत, पच्छिम बंगाल च 73, झारखंड च कोई 62 प्रतिशत, उत्तर प्रदेश च 56 प्रतिशत, ओडिशा च कोई 61 प्रतिशत, जम्मू-कश्मीर च 54 प्रतिशत कोला मता, बिहार च 52 प्रतिशत दे कोलकाल ते महाराष्ट्र च 49 प्रतिशत मतदान दर्ज कीता गेदा हा। एह जानकारी संझा 5 बजे तोपत्री दी ऐ। चिरें संझा तोड़ी मतदान दे पूरे प्रतिशत बारै जानकारी थहोई जाने दी मेद ऐ।

<><><><><><>

Poll-Compaigning

लोकसभा चुनां दे बाकी दऊं चरणें लेई प्रचार तेज होई गेआ ऐ। वरिष्ठ राजनीतिक नेता राज्यें च समर्थन हासल करने लेई जनसभाएं ते रोड शो करा करदे न। प्रधानमंत्री ते भाजपा दे वरिष्ठ नेता नरेंद्र मोदी होरें अज्ज दपैहरी पच्छिम बंगाल दे झारग्राम च इक रैली कीती। उनें आखेआ जे लोकसभा चुनाएं च हार दा र होने मगरा टीएमसी दी मायूसी चरम उप्पर ऐ। इस थमां पैहले श्री मोदी होरें ओडिशा दे अंगुल ते कटक च जनसभाएं गी संबोधित कीता। उनें मतदाताएं गी अपील कीती जे ओह अग्गे आन ते उपीशा च बदलाव लेई मतदान करन। प्रधानमंत्री होरें धार्मिक नगरी पुरी च 2 किलोमीटर लम्मा रोड शो बी कीता। ओडिशा दे मुखमंत्री ते बीजेपी दे प्रधान नवीन पाठेक होर बी अज्ज संझा लै बड्ठा रोड शो ते जनसभां करडन। भाजपा दे वरिष्ठ नेता अमित शाह होरें अज्ज हरियाणा दे करनाल ते हिसार च रैलियां कीतियां। उनें आखेआ जे किसान बजट कांग्रेस सरकार च 22 जहार करोड़ रपे हा पर प्रधानमंत्री नरेंद्र

मोदी दे 10 बरे दे कार्यकाल च किसान बजट बढिये 1 लख 25 जहार करोड़ रपे होई गेआ ऐ।

<><><><><><>

PM-Voters

प्रधानमंत्री नरेंद्र मोदी होरें मतदाताएं गी अपील कीती ऐ जे ओह अपने वोट करने दे अधिकार दा इस्तेमाल करन ते वोटिंग दा इक नमां रिकार्ड बनान। इक सोशल मीडिया पोस्ट च मोदी होरें विशेष तौर पर महिलाएं ते युवा मतदाताएं सोयां लोकतंत्र दे त्यौहार च अपने संवैधानिक अधिकारें दा इस्तेमाल करने दा आग्रह कीता।

<><><><><><>

PM-Yuva Shakti

प्रधानमंत्री नरेंद्र मोदी होरें एह सारत दिंदे होई की जेकर ओह परतिए सत्ता च ओंदे तां इक देश इक चुनां, युनिफार्म सिविल कोड जनेए फैसलें गी लागू करी दिता जाग। उनें आखेआ कि बीजेपी अपने चुनां घोषणा पत्र च कीते गेदे वायदें गी जरूर पूरा करदी ऐ। इक समाचार एजेंसी गी दिते गेदे इंटरव्यू च प्रधानमंत्री होरें आखेआ जे पैहले 100 दिनें दे लक्ष्य च उनें 25 दिन होर जोड़े न। जिस दौरान ओह भारत दी युवा शक्ति कोला सुझा हासल करंगन जे ओह सरकार कोला केंह मेद रखदे न। मोदी होरें आखेआ जे आखरकार असें नौजवानें दिएं आसें मेदें मताबक गे कम्म करदे होई देसै गी तरक्की दी बतै पर अगड़े लेई जाना ऐ।

<><><><><><>

PM-Interview

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरें दोष लाया जे कांग्रेस नै समें-समें पर भारती संविधान दा अपमान कीता ऐ। दूरदर्शन समाचार कन्ने इंटरव्यू दौरान मोदी होरें आखेआ जे ओह बी.आर. अम्बेडकर ते संविधान सभा दे सदस्यें दा सम्मान करदे न। जिनें ऐसा संविधान बनाया जिसदे च इक चा बेचने आले ँी प्रधानमंत्री बनने दा मौका थहोआ। उनें आखेआ जे उंदे लेई संविधान सरकार चलाने आस्तै मार्गदर्शक ऐ। उनें आखेआ जे मुख्य दा पूर्वी हिस्सा, जियां ओडिशा, झारखंड, बिहार, बंाल ते पूर्वी उत्तर प्रदेश, मुख्य दा विकास इंजन बनडन। उनें एह बी आखेआ जे अज्ज महिलाएं दा सशक्तिकरण होर मता होआ ऐ ते उंदे च अर्थ बवस्था ँी पूरी चाल्लीं कन्ने बदलने दी क्षमता ऐ। मोदी होरें इक समाचार एजेंसी ँी बी इंटरव्यू दिता ते आखेआ जे उनें अल्पसंख्यकें खिलाफ इक्क शब्द बी नेई आखेआ, हालांकि ओह कांग्रेस दी वोट बैंक आली राजनीति खिलाफ न। मोदी होरें आखेआ जे बाबा साहेब अम्बेडकर ते पंडित जवाहर लाल नेहरू सने भारत दे संविधान निर्माताएं तय कीता हा जे धर्म दे आधार पर आरक्षण नेई दिता जा।

<><><><><><>

Chhatisgarh Road Accident

छत्तीसगढ़ च इक शिड़क हादसे च 14 महिलाएं सने 15 लोकें दी मौत होई गई ऐ। एह हादसा कबीरधाम जिले दे कुकटूर थाना इलाके च होआ जिसलै बहपानी गां दे कोल इक गड्डी नियंत्रण थमां बाहर होई गई ते खाई च जाई पेई।

राश्ट्रपति द्रौपदी मुर्मू उपराश्ट्रपति जगदीप धनखड़ होंरें इस शिड़क हादसे पर दुख जताया ऐ। इक सोशल मीडिया पोस्ट च राश्ट्रपति द्रौपदी मुर्मू होंरें हादसे च मारे गेदे लोकें दे परोआर लेई संवेदना प्रगट कीती ऐ। श्री धनखड़ होंरें घायलें दे तौले नरोए होने लेई प्रार्थना कीती ऐ। श्री मोदी होंरें आखेआ ऐ जे राज्य सरकार दी निगरानी च मकामी प्रशासन हर संभव तरीके कन्ने पीड़ितें दी मदद करने च जुटे दा ऐ।

<><><><><><>

Iran-New President

ईरान दे सर्वोच्च नेता आयातोल्लाह अली खामेनी होंरें हेलीकाप्टर हादसे च इब्राहिम रायसी हुंदी मौत दे मगरा उपराश्ट्रपति मोहम्मद मोखबेर होंरें गी कार्यवाहक राश्ट्रपति नियुक्त कीता ऐ। उनें श्री रायसी हुंदे लेई 5 दिनें दा राश्ट्री शोक दा हुकम दिता ऐ। हुन 50 दिनें दे अंदर नमें चुनां कराए जाडन।

<><><><><><>

PM-Iran

प्रधानमंत्री नरेंद्र मोदी होंरें आखेआ ऐ जे ओह ईरान दे राश्ट्रपति डॉ. सैयद इब्राहिम रईसी हुंदा काल होई जाने कन्ने बड़े मते दुखी न। इक सोशल मीडिया पोस्ट च मोदी होंरें आखेआ जे भारत-ईरान दे दपक्खी सरबंधें गी मजबूत करने च उंदे योगदान गी म्हेशा चेता रक्खेआ जाग। प्रधानमंत्री होंरें आखेआ जे दुख दी इस घड़ी च भारत ईरान दे कन्ने ऐ।

Terrorist-Vote Appeal

बारामुला लोकसभा हल्के च अज्ज वोट पाने दे बाद लश्करे तैयबा दे इक आतंकवादी दे भाह नै अपने भाऊ गी अपील कीती ऐ जे ओह रमानदारी दी खातर आत्मसमर्पण करी देयै। अपील करने आले इस नौजवान दा नां रऊफ अहमद लोन ऐ जेदा भा उमर लोन लश्करे तैयबा दा सक्रिय आतंकवादी ऐ ते जेदी केई आतंकी मामलें च पुलसै गी तलाशऐ। रऊ अहमद नै आखेआ ऐ जे वोट पाना मेरा अधिकार ऐ इस करियै में वोट पाया ऐ। पत्रकारें कन्नै गल्ल करदे होई रऊफ नै सब्बनै अग्गे अपील कीती जे वोट जाया नेई करन कीजे चुनाएं दे बाद विकास कम्में गी रफ्तार थहोग। उनें अपने भा गी आखेआ जे बंदूक छोड़िये घर परतोई आ कीजे इयां करना सब्बनै लेई बेहतर होग। इससै बरे उमर दी मां नै बी उसी आतंकवाद छोड़ियै घर परतोई आने दी अपील कीती ही।

<><><><><><>

Sikkim-Monsoon Risks

बरसात दी बरखा कन्नै होने आली पस्सी दे खतरे पर बददी चिंता गी दूर करने लेई गेंगटोक जिले च डिस्ट्रिक्ट कलेक्टर ते Distt. Disaster Management Authority दे चेयरमैन Tushan. G Nikhare होरें डिसास्टर मैनेजमेंट एक्ट 2005 दे सेक्शन 30 की लागू करी दिता ते एहदे तैहत 1 जून थमां लेइए 30 सितंबर तार सारे नमें मिट्टी दी खुदाई दे कम्में पर सख्त रोक ऐ। एहदा मकसद संभावित संपत्ति दे नुकसान की पैहले में घट्ट करना ते कमजोर इलाकें

दी रक्षा करना ऐ। इस दौरान सिर्फ सुरक्षा, बहाली ते रख-रखाव कन्नै जुड़े दे
कम्मं ँी ँै करने दी इजाजत ऐ।

<><><><><><>